



*Rabu, 09 Juni 2021*

**Ogen: Esekiel 1:4-28**



**Tuhan Lit I Je**



Ezekiel salah sada Nabi si ibereken Dibata karunia pengenehenen. I bas pengenehenenna sipemena Ezekiel ngidah kemulian Dibata arah malekat kerub. Kerub malekat si ncidahkan kemulian ras kebadian Tuhan man jelma manusia. Ia me malekat si njagai taman eden kenca manusia ndabuh ku bas dosa ras gambar malekat kerub pe lit i bas peti perpadanen Tuhan man bangsa Israel. I bas pengenehenen Ezekiel, iidahna kemulian ras kebadian Tuhan i babo bangsa Israel i bas penabanen. Kepeken kebadian ras kemulian Tuhan enggo nadingken Tuhan i Jerusalem, sabap lanai lit ije si nggit patuh ras erkeleng ate man Tuhan. Maka Tuhan ngarak-ngarak bangsa si patuh dengen erkemalangen man bana ku japape. Emaka labo kepe kemulian ras kebadian Tuhan terbatas arah kai pe, la terbatas ingan, sabap i japape Tuhan banci ncidahkan baNA. KehadirenNA la ibatasi situasi sabap ibas kerina situasi Tuhan lit i je.

Ezekiel ngidah tahta Tuhan erdalan sue ras penegu-negu kesah e, enda ncidahkan dolat Dibata lebih asa kerina sinasa bagepe kerehenNA ia ngasup hadir i bas kerina bagin-bagin bekas tinepaNA. Ia pe lit ije radu ras si ibuangken kupembuangan i duru lau Kebar. Ayat kerna pengenehenen enda itujuken man Ezekiel guna mpersiapkan ia guna pendahin si sue ras tugasna selaku nabi. Dibata terus ncidahkan kebadian ras kemulianNA sedekah Ezekeil ndahiken dahinna. Ngatakenca kalak si dahinna mpermuliaken ras mpebadiaken Tuhan, leben ngegejabken maka ia ngasup erberita. Bagepe pedah peduaken arah pengenehenen Ezekiel enda ningetken kita maka Tuhan lit ija pa pe, ija lit penembahen dengen toto ipenangkih man bana, Tuhan ije. Janah ija lit Tuhan i je kemulian ras kebadianNa simpetetap ukurta reh ras mpeteneng tendita, mere gegeh banta.

*Muliakenlah Dibata sebab IA lit Ijapa pe*